



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Capitvlo Piverensi.

**urn:nbn:de:hbz:466:1-20020**

## 608 Epistolarum Innocentij III.

cia & beneficia obtinentes, ob reverentiam apostolicæ sedis jam recesserint ab Ottone tyranno, ne sibi communicando contagione maculentur ipsius, & quidam sint in proximo recessuri, fraternitati vestra per apostolica scripta præcipiendo mandamus quatinus ne inde jacturam incurrant unde gratiam meruerunt, per totam Theotoniam faciatis auctoritate nostra districtitus inhiberi ne aliquis officia & beneficia eorundem præsumat à tyranno recipere memorato. Quod si aliqui ea recipere attentarent, ipsos sublati cuiuslibet contradictionis & appellationis obstaculo beneficis & officiis ecclesiasticis, si qua obtinent, spoliatis, & faciatis eosdem tamquam excommunicatos ab omnibus arcitū evitari; contradictores per censuram ecclesiastica appellatione postposita compescendo. Quod si non ambo &c. alter vestrum ea nihilominus exequatur. Datum Laterani 11. Non. April. anno xv.

*NOBILI VIRO GAVFRIDO  
de Villa Ardaini Principi Achiae.*

*Epiſt. 52.*  
Scribitur pro  
Canoniceis Pa-  
tracensis.  
*Vide lib. 13.*  
*epiſt. 159.160.*

**E**x parte dilectorum filiorum Canonorum regularium Patracensis Ecclesia nobis est oblatâ querela quod cùm de mandato nostro & Abbatis sancti Ruffi cum venerabili fratre nostro Archiepiscopo Patracensi ad partes accesserint Romaniae, præfatus Archiepiscopus honestè locavit eosdem in Ecclesia Patracensi, sed procurantibus Canonici secularibus loci ejusdem & R. Presbytero de Supteno ab eadem Ecclesia per laicalem potentiam sunt ejecti, & præfati seculares & quidam alii, quorum quidam fuere monachi, in eadem post appellationem ad nos legitimè interpositam sunt intrusi: qui statuentes oculos suos declinare in terram, spirituibus non intendunt. Ideoque discretioni tuae per apostolica scripta mandamus quatinus, si est ita, eosdem reduci facias in Ecclesia memorata, & non permittas ipsums à quoquam, quantum in te fuerit, indebet molestari. Datum Laterani vii. Idus April. pontificatus nostri anno xv.

*In eundem modum scriptum est Episcopo Zaratonienſi. Ex parte dilectorum filiorum &c. usque spirituibus non intendunt. Quocirca fraternitati tuae per apostolica scripta mandamus quatinus si est ita, revocato in irritum quicquid post appellationem ad nos legitimè interpositam inveneris attentatum, memoratos Canonicos regulares in præfatam Ecclesiam sublati appellationis obstaculo reducere non pos-*

ponas, & facias eosdem ibidem pacificè commorari; contradictores, si qui fuerint, vel rebelles per centuram ecclesiasticam appellatione postposita compescendo.

*E I D E M.*

**A**d nostram noveris audientiam per venisse quod cùm episcopatus de Landrevilla unus sit de ditionibus & nobis horibus episcopatus Romanæ, tu & quidam alii possessiones & alia bona ipsius in animarum vestrarum periculum detinetes, ibidem Episcopum non permittis ordinari, occasione sumpta ex eo quod dilectus filius noster Benedictus tituli sancte Susanna Presbyter Cardinalis, tunc apostolica sedis Legatus, quatuor Canonicos instituit in Ecclesia cathedrali, afferentes præfatum Ecclesiam ordinari alter non debere. Quocirca nobilitati tuae per apostolica scripta mandamus quatinus possessiones & alia bona quae ad præfata Ecclesiam pertinere noscuntur, ei sine difficultate facias resignari. Nos enim venerabili fratri nostro Zaratomensi Episcopo nostris damus litteris in mandatis ut super statu prædicta Ecclesia inquisita plenus & cognita veritate, quod canonicum fuerit sublati appellationis obstaculo statutus, & facias quod statuerit per censuram ecclesiastica firmiter observari. Datum Laterani v. Idus Aprilis, anno quinto decimo.

*In eundem feri modum scriptum est super be-  
Episcopo Zaratonienſi. Ad nostram &c. usque  
ordinari alter non debere. Vnde ipsi Prin-  
cipi nostris damus litteris in mandatis et  
possessiones & alia bona quae ad præfatum  
Ecclesiam pertinere noscuntur, ei sine dif-  
ficultate facias resignari. Quocirca frater-  
nitatii tuae &c. usque mandamus quatinus  
super statu &c. usque firmiter observari.*

**C A P I T U L O P I V E R E N S I .**  
**D**ilectus filius W. Clericus veniens ad apostolicam sedem dilectorum filiorum Abbatis & Prioris sanctæ Mariæ ac Decani sancti Salvatoris Blefensis nobis litteras præsentavit, per quas iidem nostro apostolatui referarunt quod cùm vos auctoritate nostra monuerint diligenter ut præfato W. pro quo vobis tertio scriperimus, præbendam, si qua in vestra vacaret Ecclesia, juxta mandatum apostolicum liberaliter conferretis, mandantes ut eis super hoc curaretis certo termino respondere, & in vestra Ecclesia quædam præbenenda interim vacavisset, inhibuerint vobis ne in elusionem mandati apostolici alii quam

quām dīcto W. ipsam præsumeretis aliqua-  
tenus assignare , ac idem W. id idem vobis  
inhibuit ad sedem apostolicam appellando.  
Porrò Cantor & Succentor cum quibus-  
dam alijs Canonici Ecclesiæ vestrae ob re-  
verentiam apostolicae sedis & nostram hu-  
militer confenserunt ut supradictus W. ad  
eandem præbendam in vestra admittere-  
tur Ecclesia in Canonicum & in fratrem ;  
aliij verò ad preces dilecti filij nobilis viri  
Ludovici nati carissimi in Christo filij nos-  
tri Philippi Regis Francorum illustris ad  
dictam præbendam Henricum Clericum  
nominarunt , illud magistro Stephano fra-  
tre suo ejusdem Ecclesiæ Canonico procu-  
rante. Cū ergo vota vestra divisa essent  
in partes , P. de Nangeville Canonicus ve-  
ster ex parte nostra inhibuit appellando ne  
quicquam de præfata præsumeretis ordina-  
re præbenda quod minus posset mandatum  
apostolicum adimpleri. Petrus quoque Se-  
nonensis præfati nobilis nobis porrexit lit-  
teras continentes quod cū ipse pro præfato  
Henrico vobis precum suarum primitias  
porrexisset antequam pro prædicto W.  
mandatum ad vos apostolicum emanasset ,  
vos , licet plures vacarint præbenda in Ec-  
clesia supradicta , nec mandatum nostrum  
nec preces ipsius effectui mancipasti. De-  
mum cū quādā vacasset præbenda ,  
minor pars , ut preces , sicut credit , eva-  
cuaret ipsius , prætextu litterarum nostra-  
rum in sapientium W. confitit , majore  
ac saniore parte tam mandatum nostrum  
quām preces ipsius parata exequi existen-  
te. Sed cū pars adversa non potuisset in-  
duci ut ambo ad præbendam admittentur  
vacantem , vos in sapientium Hen-  
ricum unanimiter consensisti. Vnde nobis  
humiliter supplicabat ut de præfata præ-  
benda sic disponere dignaremur quod pre-  
ces non evacuerentur ipsius , & mandatum  
apostolicum nihilominus impleretur. Nos  
igitur attentes quod jam tertio pro  
præfato W. vobis direximus scripta nostra ,  
& sagitta Ionathæ non debet redire retror-  
sum , sed dirigi potius in directum , discre-  
tioni vestrae per apostolica scripta præci-  
piendo mandamus quatinus memoratam  
præbendam conferentes eidem , ipsum ad  
illam in fratrem & Canonicum admittatis.  
Alioquin neveritis nos dilectis filiis Deca-  
no , G. Archidiacono , & magistro Hen-  
rico Canonico Trecensibus nostris dedisse  
litteris in mandatis ut prædicto W. memo-  
ratam præbendam auctoritate nostra sub-  
lato appellationis obstaculo conferentes ,  
faciant ipsum ad illam in Canonicum reci-

Tom. I I.

pi & in fratrem , contradictores censura ec-  
clesiastica appellatione postposita compes-  
cendo. Scituri nihilominus quod nobis  
gratum erit pariter & acceptum si præfato  
Henrico ad preces memorati nobilis in alia  
præbenda duxeritis providendum. Datum  
Laterani IIII. Non. Aprilis , anno X V.

*Super hoc scriptum est in eundem ferè modum  
eisdem usque appellatione postposita com-  
pescendo , denuntiatur nihilominus Capitu-  
lo sapientio quod nobis gratum &c. us-  
que duxerint providendum. Quod si non  
omnes &c. duo vestrum &c.*

A. ILLVSTI REGI POTVGALENSI  
& heredibus ejus in perpetuum.

**M**anifestis probatum est argumentis  
quod inclite recordationis Al-  
phonsius avus tuus per sudores bellicos &  
certamina militaria inimicorum Christiani  
nomini intrepidus extirpator , & propaga-  
tor diligens fidei orthodoxæ , sicut devo-  
tus filii & Princeps catholicus multimo-  
da obsequia impedit facrofanctæ Ecclesiæ  
matri suæ , dignum nomen & exemplum  
imitabile posteris derelinquens. Aequum  
est autem ut quos ad populi regimen & fa-  
ludem dispensatio cælestis eligit , apostoli-  
ca sedes sincero proséquatur affectu , & in  
iustis postulationibus studeat efficaciter  
exaudire. Proinde nos tuam attendentes  
personam ornatam prudentia , iustitia præ-  
ditam , atque ad regni gubernationem ido-  
neam , eam sub beati Petri & nostra pro-  
tectione suscipimus , & regnum Portuga-  
lense cum integritate honoris regni & dig-  
nitate quæ ad Reges pertinet , necnon &  
omnia loca quæ cum auxilio cælestis gratiæ  
de Sarracenorū manibus eripueris , in  
quibus jus sibi non possunt Christiani Prin-  
cipes circumpositi vendicare , ad exemplar  
felicis memorie Alexandri Papa prædeces-  
soris nostri , qui hæc præfato avo tuo per  
privilegij paginam concessisse dinoscitur ,  
tuæ sublimitati concedimus & auctoritate  
apostolica confirmamus. Ut autem ad de-  
votionem & obsequium beati Petri Apo-  
tolorum principis & facrofanctæ Romanæ  
Ecclesiæ vehementius accendaris , hæc ip-  
sa heredibus tuis duximus concedenda ,  
eosque super his quæ concessa sunt Deo  
proprio pro injuncto nobis apostolatus of-  
ficio defendemus. Tua itaque intererit , fi-  
lii carissime , ita circa honorem & obse-  
quium matris tuæ facrofanctæ Romanæ  
Ecclesiæ humilem & devotum existere , &  
sic te ipsum in ejus opportunitatibus & di-  
latandis Christianæ fidei finibus exercere ,

H H h

Epiſt. 14.  
Recipitur ſub  
protectione ſe-  
dis apostolice.  
Vide lib. 1. epift.  
99. 441. 448.  
449. Ep. 14. 2.  
Miscellanor.  
noſtror. p. 220.